

味經書院志



關中叢書

味經書院志

邵力子署

陝甘味經書院志序

志之例出於史而不專於史蓋雜山經水注考工記宮殿簿之義古人作事必有志而後法可因傳可久官司尤甚書院非官司然稟請咨提領發報銷有文簿焉典守者曹於文奸滑得而把持之膏火脩脯將歸侵蝕訓誡條告誦讀行習有法式焉繼至者昧其法佻達因而玩弄之規制教法將盡銷亡而造養人材之地安知不爲汨沒人材之區也味經書院自今河督前學院許仙屏先生崛起創建卽延余宗夢軒先生爲師詳定規模有益陝省者甚鉅夫其益之鉅正其法之善用心之勤也書院是而法與心非

創始者能不戚於心與煥唐先生知之起而收集散佚都爲一冊名曰味經書院志藏之篋笥余承乏味經得讀一終因悉創造之艱難教法之詳備繼至者之損益因革均可沿流溯源則志書院正志創始諸公之心也創始之心常存書院之益吾陝者不永永無極哉余因請付手民永存書院先生許之嗚乎後之覽斯志者因先生之文以上求經營締造及因革損益者之心必有不忍令良法湮沒者慨然惻然而思變通扶持以盡其宜是則煥唐先生及余之心也夫煥唐爲許公所取士故其言詳且切焉是則讀者自見之故不贅昔光緒甲午嘉平月太華史家榮序





陝甘味經書院志

經始第一

同治初元陝西回匪創亂州郡爲墟繼以髮捻交訌備極  
屠毒越十一載始得以次蕩平予遺之民瘡痍未復人  
知學家無藏書時奉新許公振禕以侍讀督學陝甘慨然  
以振文教爲己任始假涇陽瀛洲書院延師訓課旣籌經  
費設味經書院於涇陽城內東北隅乃上疏曰竊惟風俗  
盛衰視乎人才而人才隆替由乎學校學校教士實養士  
之地也士人有廉恥而後鄉里有風化庠序有秀異而後  
在官有循良其始僅章句誦讀之爲其究則生民休戚之



寄故一人爲而衆人效方正邪僻分類殊趨謂之風氣一人倡而衆人遵學問議論先入爲主謂之師承其源甚微其流甚大不可不謹也夫欲有所用以收得人之效則必有所養以爲儲才之基臣伏見國家作育人才府縣設學復聽所在舉行書院法良意美得人稱盛惟奉行日久教官往往視爲具文平時因循迨學政按臨所駐不過旬日而又逐日校藝卽有所牖迪亦不過布條教舉大綱至於教士之實竊以爲莫如書院院長得人而謂不能挽回風氣振興人才者未之有也伏查近日書院之弊約有二端一由院長爲紳士退休之資其延訂也論名位徇情分官

場以爲一歲之應酬紳士以爲一家之取給評點甲乙苟簡從事而於學問人品概未之及如是者不得謂之教一由經費悉隸官吏凡印官兼轄書院往往虛領其名而未察其實其款項生息支發一切皆書吏主之積年旣久侵蝕失計日見支絀士無所藉難以棲止如是者不得謂之養臣自抵任以來因查西安有關中宏道兩書院爲陝甘兩省士子肄業之區關中督撫主之宏道學政主之惟自軍興以來士多貧苦不能自食又不能從師雖欲聞經明行修之要其道無由因擇適中之地於涇陽城內添設味經書院其規模與關中宏道相等臣捐廉爲之倡而各屬

紳士好義急公者大率皆醵金襄事業已設立講堂號舍  
開課舉行其定章有不同他書院者三他書院專課詩文  
味經之設其要以實學爲主令諸生逐日研究

欽定七經及綱鑑諸史大學衍義衍義補文獻通考等書  
引之識義理稽故實手鈔口誦日漸淹貫匪惟腹笥可充  
卽政事亦差知條理其設課也則合制藝論策經解詩賦  
法戒錄分課一一爲之使之知學古之爲貴他書院除閱  
課外師弟不常接見今則山長日登講堂傳集諸生將經  
史大義及小學逐條講貫察其課程閱其劄記別其勤惰  
嚴其出入令其由嚴憚以生清明本講貫而得服習使之

知植品之爲先他書院屬之於官官有遷移則法必中變  
官有職務則事難兼攝卽如宏道書院歸學臣董理如臣  
終年在外按試相隔千里何能稽察今味經之設臣悉擇  
一方之望以之專理一方之學雖創始由臣而日久經理  
究以責成紳士爲當蓋權不歸官則延師可免徇情敷衍  
之弊非物望素孚學品兼優者必不能居此席費歸實用  
則經理可免侵蝕支絀之虞非廉介自持鄉里推服者必  
不能與其事羣力維持思培子弟使之知成法之可繼此  
臣倡建味經書院之初意如此也臣徧查陝甘人望所歸  
得保升同知前平利縣教諭史兆熊學有本原體用兼備

延爲書院院長訂期十年而以城固訓導姚劭誠澄城教諭王賢輔協理講席兆熊品端學粹遊其門者多所成就前在興安勸辦一府堡寨一千數百餘所賊犯興安不能逞志全活甚多歷經大吏保薦兆熊每爲學徒攀留不能出仕其恬退而有實用如此劭誠長於經學志在誘迪賢輔澹然無欲留心風化此皆關中方聞之士正學之選置之訓迪必有可觀記稱七年小成九年大成臣之責以十年者亦準斯義如造士無效臣請受謬舉之咎其承管經費課程膏火責成紳士候銓同知怡立方教職張樞楊彝珍吳乙東謝鴻猷從九牛興宗等立方廉正勤懇才識素

優歷年籌衛地方久著成效其餘諸人亦皆物論推重以之經理書院不僮培養人才日有起色卽義倉蠶桑諸事亦可次第舉行不動公家纖毫之款而可興地方無窮之利似於教養可收實效臣觀諸人俱誓心竭力願任培植不求保獎不居成功良由關中風俗之厚士習之美以之責成經管實足垂久遠而無流弊合無恭懇皇上天恩敕下陝甘督撫學政臣各立案嗣後督撫學政及各衙門分月輪課其院長堂課各規條卽乞照臣所議辦理一切責成紳董承管是否有當伏乞皇上聖鑒施行疏入奉上諭著卽知照陝甘督撫學政立案嗣後均照此次所定章程

辦理欽此時同治十二年十月十五日也於是涇陽議敘同知銜吳建勳捐隙地以爲之基城固訓導澄城姚劭誠澄城教諭白河王賢輔集資於東候銓同知涇陽怡立方候選訓導富平張樞咸寧楊彝珍涇陽吳乙東安康謝鴻猷從九涇陽牛興宗集資於西不費公家絲粟一年而事舉雖創始疏略而規模固已宏遠矣

論曰許公出曾文正之門有經世志文正以大儒奮迹湖湘削平巨寇成中興偉績許公固心識之而陝右數嘗寇亂士無搢柱其閒者有亦輒歛豈倡之無其人與抑亦教養未豫無以激厲其志氣恢擴其才猷也經義明而智勇

出治亂之迹旣明必有興起而任天下之重者然則創始之功烏可忽乎哉



Blank manuscript page with vertical columns.

營建第二

院負涇陽縣北城微東面姚家巷縱五十三丈橫一十二

丈涇陽吳紳建勳捐計地十畝零六分中爲講堂五架五

楹中棟懸奉諭旨後楣題味經堂後楹帖題以生靈休戚

通經致用大文章可擴而充之前楣題學爲忠孝中楹帖

題講肆隣周京棧樸作人看今日多士羣居可否不愧譽

髦涇之水峨之山直與全秦振風氣橫渠啓關學洙泗相

傳願諸生奮心獨往斷當力崇禮教愚求矻頑求訂好爲

吾道溯淵源旁楹帖題講學不在多言先捷破名利一關

仰毋愧俯毋怍惕厲戰兢敬義夾持是乃聖賢真學問通

經必期實用果認得孝忠二字體於身修於

家肫誠悱惻窮達無間斯爲豪傑大經綸左右有序堂

之前左爲大雅扶輪門右爲小山承蓋門門內有廁又前東列

沈內有焚浸濃郁含英咀華號舍八西列作爲文章其書

味經書院志 營建第二 一 關中叢書

滿家號舍八舍各四室其外有廊又前爲二門三楹三架

楹題尊聞行知楹帖題華嶽黃河俱有靈其間氣必鍾英哲聖賢豪傑都無種在儒生自識指歸門三出

左右外塾塾前西爲時敏齋房十六架門東出東爲日新齋房十六架門北出又前爲大門三楹五架門中出左右內塾門外爲屏堂之後爲客廳五架二楹左右有室又後爲左右廂各五架又後爲寢五架四楹寢後小房五架寢西爲小寢三架三楹都房七十五架屏一爐一廁一門窗器具悉備同治十二年九月學政奉新許公振禕創建監院候銓同知怡立方城固訓導姚劭誠澄城教諭王賢輔候選教職張樞楊彝珍吳乙東謝鴻猷從九牛興宗等監

修是爲陝西有味經之始然事屬草創諸凡缺略監院無  
署寄居時敏齋及西寢諸生庖廚暫置日新齋藏書籍無  
所置於客廳西室至聖位設於正寢地址迫狹經費支絀  
故也光緒二年監院寇守信於西寢前添建左右廂廂二  
架屏風門一架正寢東添廡房四架十一年二月吳建勳  
續捐院東地址縱四十五丈橫十丈又南隅橫三丈一尺  
縱八尺計地七畝九分一釐三毫零十三年監院張元熙移建庖廚於  
大雅扶輪門東房六架移廡於東院之東越二年武昌柯  
公逢時履學政任次年以涇陽候選教諭周斯億爲監院  
舉向所缺略者悉爲補之建藏書樓於講堂東三架三楹

中設至聖位前列廡舍左右各三架左題前任學政奉新  
許公振禕吳縣吳公大澂名右祀前院長升用同知平利  
縣教諭史公兆熊及前監院原任鳳翔府學訓導寇公守  
信前候選同知怡公立方神主越二年又以前任監院城  
固訓導姚公劭誠栗主祀於寇公左前院長欽加同知銜  
候選知縣柏公景偉栗主祀於史公左題前任學政柯公  
名於吳公之次其南爲清白池學政柯公名之院長劉序  
銘其詞曰涇邑水鹹鹵不  
可食同治時創立味經書院擬引白渠水於講堂東其北  
爲藏書樓費絀中止越十有七年武昌柯遜菴先生督學  
來陝以通經致用造士嗑朽吹枯士風丕變迺擇志趣奇  
特者數十人教養於味經廣購書籍俾肄業焉越明年建  
樓於前擬址中設至聖位南嚮旁列廡舍祀有功書院者  
官師紳士咸與又以士習算術必資實測築通儒臺於左

先生既銘之矣又明年引渠水蜿蜒注樓前適咸甯節婦趙劉氏捐梓列女傳餘以贅池形如半規既備規制兼資汲引名曰清白池表彰苦節卽以激揚士氣也命黃銘之黃承乏講席樂推先生意用告士子銘曰龍山矗矗涇流其麓秦漢而明鑿石洞腹檻泉聲沸瓊漿篩珠色澄以碧味淡以腴渠始白公長我禾黍借入陵阿菁莪處處清宜肺腑涼沁齒牙性禾沃乃毋渴萌芽在山能清出山不濁澆俗塵汚毋忘澡濯源頭水活汨汨其流心亨行險無閒學修飲水知源伊誰之賜柯公不居嫠也有志惟嫠何志冰雪不春和風晝煦澤流士人矧我士人淵深海闊靜不激泓動胡活潑緘修汲古道悟觀瀾勒銘池上東爲通儒用勵儒冠光緒十七年九月咸陽劉光黃撰

臺 學政柯序銘其詞曰咸陽劉君煥唐都講築臺於味經書院之東製晷造儀命諸生以時測量且綴術焉余名

曰通儒蓋取法言之義欲諸生明於聖學之大練習於時務之要以道致用其毋以疇人自封也昔張平子作儀崔

子玉爲之銘余懽於術竊知其意乃作銘曰峨峨高臺在涇之陽上規下矩用圓體方粵惟古聖推策迎日自是以

來代有作述察景辨氣分躔限天積微成著後密於前中夏失官學流荒襄聖清龍興重譯獻藝炫其技巧惑我毗

味經書院志 營建第一 三 關中叢書

蚩挾彼之奧實古之遺算術精深步天爲極會於一原造  
端實測窮理合數考古驗今或久而差密率可尋惟我中  
土世多智士湛溺詞章先民所鄙矧茲豐鎬英俊繇興通  
徽造極符契相承以濟時艱用宏先覺勒銘斯臺敢告來  
學光緒十六年歲在庚寅夏五月  
陝西督學使者武昌柯逢時譔書 又創立刊書處於大門  
東構房三架二楹門西三架一楹先後共糜金錢不足千  
而規制大備矣順德黎璧侯先生繼之謂刊書不可不售  
拓售書處於大門西其地偏狹越二年吳建勳族弟廩生  
吳建寅捐其西地址長二十三丈四尺寬四丈五尺地一畝七分五釐五毫前爲售  
書處後以備修監院署之用基址大展繼而爲之則在後  
之司院事者

論曰廣廈大庇寒士歡顏書院之名固萌芽於唐少陵是

言意在斯乎然味經創建已二十有二年矣書舍財入十  
餘間耳肄業過百人卽不能容少陵願何奢也創之難成  
尤不易豈獨味經爲然哉



大不勝憂... 餘聞... 言...

籌養第三

當許公之創立書院也大亂初平人心困極思通一聞斯

議士民欣欣助貲者接踵於是輸銀及千者涇陽壹千肆百兩

郃陽壹千叁百伍拾兩韓城壹千叁百兩三原壹千壹百兩渭南壹千兩五縣

不及千者朝邑玖百柒拾叁兩蒲城玖百壹拾兩大荔捌百兩澄城

陸百貳拾兩四縣五百者富平伍百兩長安伍百兩二縣不及五百

者潼關肆百伍拾捌兩白水肆百貳兩臨潼肆百兩咸甯叁百肆拾玖兩陸錢伍分整

屋叁百兩藍田叁百叁拾兩一廳五縣不及三百至一百者白河

貳百叁拾玖兩高陵貳百兩乾州貳百壹拾兩鄠縣貳百兩雒南貳百兩玖拾

玖兩陸華陰壹百貳拾伍兩華州壹百肆拾兩肆錢耀州壹百兩長武壹百兩貳拾

味經書院志 籌養第三 一 關中叢書

兩寶雞壹百兩紫陽壹百兩捌錢伍分汧陽壹百兩玖兩捌錢三州九縣

共得銀一萬四千六百七十六兩二錢二分然淺人已議其後矣許公不爲動督營建益急遂於十二年九月告成而許公亦報政入覲謠詠乃大起是時左文襄公督陝甘方議分闡不暇爲陝士謀書院之設議發於許公細人遂謂陝甫經大亂宜休息不宜興大工聞者不能不爲動許公原奏院事歸紳經理官爲督察耽耽脂膏者無所染指咸大恚則日播浮言於外而向之踴躍輸將者悉裹足書院雖建經費無出生徒旣聚不可散院長史夢軒自減脩脯監院怡養源稱貸以發膏火極力支持勢蓋岌岌不可

以終日而吳縣吳清卿大澂適繼學政任有以蜚語中監院者謂味經築一外屏糜銀三千兩公廉其誣微察味經誠大有益於士習乃以善後自任同治十三年興安府捐銀四百八十九兩六錢光緒元年撫院譚籌撥銀一萬兩

光緒二年延安府捐銀一千兩南鄭縣捐銀一百兩共庫

平本銀一萬一千五百八十九兩六錢以上由藩庫發商學政吳札諭略云

發當商按月一分生息有閏每年獲息銀壹千伍百零陸兩陸錢肆分捌釐無閏每年獲息銀壹千叁百玖拾兩柒

錢伍分叁釐定議每年分作三季給發以三月七月十二

月三次支領有閏每次領庫平銀伍百貳兩貳錢壹分陸

釐無閏每次領庫平銀肆百陸拾叁兩伍錢捌分肆釐此

番領款本院已咨明藩司蔣遵照辦理除分行所屬各縣每年定以二六十等月底先行截清應獲息銀照數解司以備屆時支領即各屬未能如限報到亦當由司照依現

本應獲息之數暫行籌墊以備書院束脩膏火之需每年由味經書院監院備文移知涇陽縣徑詳藩司就近支領每次領到息銀若干卽繳監院收支一面仍報學政存案備查涇陽縣候選道姚真捐銀

一千兩大荔縣候選郎中李安吉捐銀三千兩此二項不入藩庫以

貳千兩撥繳怡監院清還歷年積欠以貳千兩札涇陽縣嚴令派役分解送蒲城興平發商按月一分行息其學政

吳札諭略云每年無閏蒲城解息銀壹百貳拾兩興平解

息銀壹百貳拾兩有閏蒲城解息銀壹百叁拾兩興平解

息銀壹百叁拾兩每年按期由監院備文徑催蒲城興平

息銀倘催不到卽申詳學院札提催繳先後共

籌獲經費銀一萬五千五百八十九兩六錢以二千兩清

還舊債餘盡發商生息於是涇陽典商領銀貳千柒百兩三原典商領銀

壹千叁典商領銀肆千兩富平典商領銀肆千兩高陵典商領銀壹千兩耀州典商領銀壹千兩咸

甯典商領銀貳百玖拾叁兩柒錢陸分長安典商領銀壹百玖拾伍兩捌錢肆分整屋典商領銀壹千

兩悉領銀營運月有生息歲有額入不苦匱乏而院事遂  
大定矣然所入無多必極力節縮始符所出院中諸事待  
舉者仍苦無貲吳公乃有車牛變價撥入書院之議車牛  
變價者前陝甘總督左文襄公督師入關以學士袁文誠  
公理餉事兵燹之餘農田荒蕪軍糈不繼乃派員屯墾於  
白渠兩岸軍事漸定農悉歸業以車牛歸民而折價以輸  
官也怡君請於吳公以商撫院譚譚公許之曰俟收清撥  
入書院然計數特鉅徵收實難吳公亦報政入都此事遂  
已中更戊寅旱荒及至年豐徵收仍無成數此事弊竇甚多零星散之  
民間官已屢更孰欠孰否不能悉知而吏胥窟穴其中民  
間輸已過十官府入未及一故此項數盈鉅萬所收僅五

千餘兩其後涇陽縣令張稟請豁免越二年今令涂邵卿  
視事稽故牘得銀貳百餘兩補行撥入書院蓋事隔十餘  
年其弊不可究詰云因循至九年慕子荷學使蒞任監院寇允臣以

其事請慕公轉詢當道乃始得銀三千三百零七兩三錢

三分卽發涇陽縣典商生息光緒十年正月十七日涇陽  
縣洪令移文略云查做縣徵

收車牛變價庫平銀伍千貳百貳拾柒兩叁錢叁分業已  
稟明撫憲暨營田局憲發繳當商姚永聚等營運滿年一

分生息於光緒九年十二月初一日起息每年應取息銀  
伍百貳拾貳兩柒錢叁分叁釐除涇陽四義學經費銀壹

百玖拾貳兩實餘銀叁百叁拾兩零柒錢叁分叁釐以作  
書院膏火之需云云學院慕札諭略云每年分三次領卽

以二月六月十月由監院備文移知涇陽縣就近支領卽  
該當商未能如限繳清亦當由縣照依應獲現存息銀之

數暫行籌墊以迨十六年續發商銀二百四十二兩五錢  
備書院急需

涇陽縣涂移文略云車牛變價徵存經前任稟明仍照前  
發商每年應得息銀貳拾肆兩肆錢伍分仍歸味經書院

每年七月綜計前後銀兩籌自捐輸者二萬零三百四十  
移送一次撥自藩庫者一萬兩得自營田者三千五  
四兩四錢七分餘發商銀一萬七千一百三十九兩四  
百四十九兩八錢自丙子以前用過銀一萬六千七百五  
十四兩八錢七分餘發商銀一萬七千一百三十九兩四

錢無閏之年得息銀一千玖百捌拾伍兩柒錢貳分  
貳釐有閏則多壹百壹拾壹兩陸錢肆分陸釐而陝

甘士月得膏火官課一次超等十名學院許定一名二兩  
二名至五名一兩五

錢六名至一名至六名八錢七一等四十名  
十名一兩特等二十名一名至二十名五錢

一名至四十名一錢光緒十五年學院柯改定每官課不  
分超特一共取三十名一名三兩二名至五名二兩六名

至十名一兩六錢十一名至二十名六錢堂課二次膏火獎賞超  
名一兩二十一名至三十名六錢

等十名一名一兩五錢二名至五名一兩二錢六名至  
十名九錢偶數膏獎各半奇則膏多於獎下同特

味經書院志 籌養第三 四 關中叢書



等二十名一名至十名七錢十一等三十名一名至二十

一名至三十名一錢原定任院者全給否則止給膏火柏

院長改為無論任院與否膏獎俱給光緒十五年學院柯

改為堂課月一次無分超特一共取三十名一名五兩二

名至五名三兩六名至十名二兩十一名至二十名一兩

八錢二十名至三十名各一兩經課膏火超等十名一兩

光緒十八年學院黎改復舊章經課膏火超等十名一兩

二名至四名六錢特等二十名各二一等十名各一錢學

五名至十名四錢院募定學

院柯併入堂課學院黎遂為味經經費定制焉募學使云

改歸每月日記膏火

院本新設待舉事尚多年蓄百餘金遇科年停官堂課各

拾壹兩零存儲不用積數年院內應舉行者宜無不舉然歲出

數終不能定故積六七年始得四百餘金柯遜菴學使遂

以建藏書樓通儒臺云

論曰易曰大烹以養聖賢又曰何以聚人曰財養固先於教矣顧周禮不詳養士法而載師有士田甫田之詩始曰歲取十千終曰蒸我髦士孔子曰耕也餒在其中學也祿在其中士固不並耕也特廩於官者悉取之農耳近世金生粟死商賈操金錢制農之命末豐而本悴矣分商之息以養士似亦窮變通久之道而論者嘒嘒以爲病商何也



規制第四

惟天子軫念西土敬教勸學嘉惠俊髦學使承流詢於衆庶順時所適乃闢講舍於涇水之陽顏曰味經書院以收陝甘志學之士禮聘師儒任以教誨乃立監院使總院事

宣學使意於師弟子俾教不倦而學日勤監院一人舊無定數

後設二人光緒十七年學院柯改定其一人改充刊書處董事事詳後齋長二人其一定涇陽人一他

縣又院址均吳氏捐入其子弟有住院者卽爲齋長不常置諸生惟齋舍所容院書一

人貼寫一人舊無光緒十七年學院柯增設院夫三人門夫一人竈夫無

定數監院司一院財用出入之數簿書期會之文及一切

禮儀法令之事時察齋舍以助院長精力之所不及每歲

仲春車逆院長於其家至擇期入學知會涇陽縣同院長率諸生行釋菜禮後赴講堂行入學禮畢乃宴朔望謁先師亦如之令節亦如之歲終又宴乃出學車送院長歸凡諸生來院上名於監院定館舍卽贄見於師凡值督撫學政藩臬道府課之月監院備文預請題目至期請涇陽縣按名散卷宣示題目及繳卷監院備文申解榜歸張示院門院長堂課評定甲乙由監院登榜其膏火獎銀監院各注於其卷諸生執卷領取凡書院經費由藩司發商者監院備文移縣徑詳藩司支領其由學院發商者監院徑移文該縣催解領解到卽報聞學院凡歲出有章者依章給

之無則小者監院主之大則請於學院院長東脩四百兩以時致之薪水監院百兩刊書董事百兩齋長三十六兩工食院書三十二兩貼寫十二兩院夫十八兩有閏十九兩紙筆費學院署稿房十二兩藩署禮房十二兩議平均給以其時凡房宇門窗案椅牀榻一切器具之類時周察之缺損補修無致破壞卷紙多寡視所用歲終則會計上於學院齋長擇諸生之學品優而齒長者爲之帥諸生敬承院長之教以修其業經義史疑院長講解諸生不能盡喻者齋長道諭之不能問者齋長達其詞司書籍之出入借還有式歲終檢緝不可失遺分察竈夫膳飲之美惡毋

令饘錫失飪致疾院中有興作監院會齋長察視凡院事

財用出入齋長咸與聞院書

初由涇陽縣禮房兼充後改由院招充

司冊籍

文移會計之事凡課題目榜次書而張示其副藏之公牘  
文移書而呈於監院收發書籍書而呈於齋長凡朔望謁  
先師則贊貼寫司鈔寫文字院長條教諸生文藝須傳觀  
者鈔而揭於壁院夫司灑掃雜役奔走之事門夫晝稽出  
入必嚴二鼓擊梆封門繳鑰晨領鑰啓門及膳時均如之  
廚夫主供諸生飲食品院長監院預核定揭於廚壁日一  
更月再周諸生人日給錢五十廚夫工食不領於院其夥  
役視食者之衆寡而增減之凡院事監院主之教士子則

主於院長

論曰日用飲食粗迹也而精義寓焉王政之始雞犬桑麻  
聖學之基灑掃應對規制儀文之不備財用出入之無稽  
師蓋有不能安於講席弟子有不能雍容絃誦者故粗迹  
者精義之輪輿也書院廢興殆非無與於是矣





監院題名

書院之教院長主之事則統於監院監院得人師安講席  
士勤誦讀所繫重矣然則論味經之廢興必非無與於監  
院也名具於斯來者可以觀焉光緒十九年癸巳仲春涇

陽周斯億誌

怡立方

字養源涇陽侯銓同知創修  
書院力任艱鉅祀於書院

姚劭誠

字子夫澄城舉人城固訓導為修書院  
棄官來涇能任勞怨工竣辭退祀書院

王賢輔

字弼廷白河人咸豐  
戊午舉人韓城教諭

李星瑞

字少蓮平  
利舉人

寇守信

字允臣長安歲貢生光祿寺署正銜鳳翔府訓導  
籌增膏火創味經誌稿文移各件均存底稿來者

味經書院志

規制第四

四

關中叢書

有法可守  
沒祀書院

楊彝珍

字秉初長安附  
貢生同官訓導

王堃

字子厚宜君人同治  
己巳舉人蒲城訓導

張元熙

字仲山涇陽恩  
貢生郃陽訓導

王廣年

字子延清澗優  
貢生郃陽教諭

周斯億

字陔生涇陽人光緒己卯舉人國子監學正銜綏  
德州學正創修藏書樓清白池通儒臺設刊書處

售書處建院  
外東西兩坊

彭長慶

石泉廩貢生  
候選訓導

史家榮

字錫堂華陰廩  
貢生涇陽訓導

教法第五上

三代而後教不統於上尼山首出宏暢儒風擅師儒得民之勢君上不過問教遂與政分而不可合顧教不可與政分也權不能定於一尊勢不能資以行遠源遠流分人自爲書家自爲學譬如大河羣流趨附無隄防以東於左右則成洶湧之勢潰敗橫決而不可收拾故自春秋以降諸子爭鳴異端蠱起人人得以號召徒衆自樹一幟門戶旣分黨與斯盛是非汨於草野毀譽亂於朝廷至匹夫可與君相爭刑賞之權而清流之禍亟矣漢唐宋明之黨禍是也又其甚者外夷無君無父奸人惑世誣民借端聚衆而

海內遍被其毒如黃巾白蓮均假教之名以恣爲畔逆豈非教之理自在人心上失其柄自下竊之其禍遂不可勝言哉是以願治之主必急起而收之漢祖草創日不暇給孝武表章六經道定一尊矣經灰甫燼鬱而未伸雖立博士議石渠宿儒抱殘守缺多私相授受教未盡出於上也光武投戈講藝風厲名節顯宗崇儒重道躬臨辟雍養老乞言政教幾於合矣然事虛文而無實意冲質以後國統屢絕外戚宦寺遞爲盛衰是非不明於上議論徒喧於下君廚顧及之名立而士習亦凌替矣魏晉六朝政旣不立誰復議教河汾授徒遂開唐治太宗英挺而內行不修延

攬士儒集疏五經而意重詞章故有唐一代驅士於帖括詩賦其時朝野上下之閒泛泛然沈溺於功名富貴而胥無以自主馴致五代之禍否極而亨宋太祖太宗親睹武夫悍將之弊始以文臣典郡仁宗天資粹美英傑輩出孫奭胡瑗名動朝廷遂詔天下州縣皆立學此後濂洛關閩名師碩儒遞相衍述官家之培養不如私家之傳授也迨至明祖起於布衣迹類漢高而學問過之加意庠序府廳州縣均有學慎重教官之選嚴立考課之法罰峻而賞亦優作成士氣故靖難之師士多忠節震爍千古其後主德不明教士之權又復移於師儒書院林立庠序徒設教與

政分清議雖足維持國是而黨禍之慘遂極千古之所未  
有然則教出於上時未久而遂不振者師以例求士以例  
應虛文故事相習成風無精意以貫其中也教出於下利  
雖多而害卽隨者師以道立士以名歸樹敵聚徒異說相  
角無權位以持其上也我朝舉天下之書院盡隸之官而  
延師以教士士非額定之數師非例設之官師儒之教而  
以官法行之故精意貫注而不聞處士橫議之風二百餘  
年書院得士爲多而無前代朋黨之禍則政教合之效也  
然積久弊生獵詞華而略實行重制藝而棄詩書輕脫無  
行而道學思救其後空疎寡用而西學遂乘其虛仙屏許

公憂之所以有味經書院之設禮聘耆宿特申教法史先生兆熊倡於前柏先生景偉振乎後要皆學政之精意運於其中蓋書院之教無非學使之政也予擇其可采者於篇使後有考焉

史先生曰書院宜清靜嚴肅各守規矩此院何爲而設諸生何爲而來立志潛修未爲君子先期不爲小人未做正

事先期不做壞事則有嚴戒者四一吸食鴉片鴉菸爲害甚深諸生

豈無受其病者擯之恐終身甘於廢棄容之恐衆人爲之效尤今諭別居齋舍寬以月日用藥斷截聖賢克己之學

卽在是矣尤當力勸同人引爲鑒戒若自一賭錢游娼賭

寡廉鮮恥損德取禍實爲玷辱名教查出稟一戲場飯館

請斥革其因賭游滋釀事端者送縣究辦



坊肆流品雜沓士人豈可側足然少年狂妄每好嬉游往往三五成羣往來街市不恤人言不畏物議且自以爲名士風流實屬蕩檢踰閑敗壞士習諸生中有不經稟明擅自出入觀戲飲酒者查出掌責門夫不卽稟明送縣杖笞其別滋事故者無理送縣一騙誘賒貸書院爲培植人才究辦有理亦掌責逐出之地所以首嚴規

矩清其本源除前數種外尤當杜絕騙誘流弊現已商議監院出示曉諭各鋪店凡與諸生交易不準賒貸其有貪圖重利任聽欠至數千數十千文者或其人在院而無力歸還或潛行歸家而久成拖欠查明屬實稟請斥革其賬項概置勿論或富家子弟來院肄業者不得以朋友交好礙於情面與人擔承賬項膺人佐借錢文久而無歸積成私債不敢令父兄知查明屬實將佐錢之人稟請斥革其賬項亦概置勿論至諸生有實係貧寒而苦心用功者同人中殷實之家可公同量力幫助膏火自是友誼當然或由公款籌畫微資亦格外培養寒士之道總不許機謀智巧之流敗壞定約者三一夜禁鎖門大門鑰匙呈繳上房書院規矩次早黎明門夫領鑰開門關門後查出未在舍者次早掌責二十有別行不軌者別論其有要故應出者稟明請鑰

有要故稟明出外請留一早起日已出而人猶酣眠乖陰

門者不得遲過一時陽之理失清明之氣在一

家必不祥在一身必生病勤苦者自必晏眠早起僕以爲

善用功者不必過爲晏眠反致不能早起至三五歡聚好

爲長夜之談尤屬學人積弊各宜互相一門戶火燭或上

規勉勿使曠誤工夫反致耗損精神有傳

喚或有事出外隨卽關鎖門禁約既明乃嚴功課一逐日

戶檢點火燭毋致貽誤有失寫看讀工夫不必求多總要實有心得早飯後作小楷一

力寫字後看本日所溫之四書一章經書一篇字字研究

必須大旨了然逐字逐句了無疑義或於衆說之外別開

悟境或因此章之理參悟他章或得其一句或得其一字

著爲小說如作論然正午靜坐片時涵養心氣午飯後讀

四書若干篇經書若干篇量力定數各以十遍爲度細心

潛玩不可滑口過去讀後靜坐片時涵養心氣日尚未入

看史鑑若干頁晚間讀時文二篇古文一篇每篇十遍生

者過五夜一易讀賦一篇生者亦如前法讀竟靜坐片時

卽安寢養神若日間他事攪雜功課未了夜間定行補足

總以序不可紊功不可缺實求心得快足於己而毋自欺

味經書院志 教法第五上 四 關中叢書

次早温前日所讀之經文詩賦各一二遍或專讀某一項或別看他書亦必有一定限制不可雜亂無章 一每

月官堂課

每月初八日官課十八二十八日堂課點名局門當日交卷此外初三十三日加文課二次五

更出題午正交

卷逾限不閱 一每人課程册外寫某人內開自某月某日起温四書某本經書某

部每本讀若干篇別一行註某一日讀四書自某處至某

處共幾篇經書某本自某處至某處共幾篇看四書某章

看經書某篇擬某篇某節某句小說一條以便抽查 一二五日彙齊擇尤佳者張貼講堂俾諸生共廣見聞

七日會講

中設正位遙尊諸大憲培養士類俾士子常知敬感不忘本源旁設山長監院各坐諸生左右

侍立聽講僕忝主講席自愧學力淺薄然諸生果知踏實

用功即奉一心為嚴師僕亦未必無一長之助若執經問

字有意刁難以窺探僕之淺深甚至面加詆晤暗出匿一

名揭帖僕當登時辭退決不自取羞辱並致貽笑學憲一

注意小學

四書五經已逐日講讀此外逢會講日切為細講小學以端大學之本諸生句句向身心上體

認勿謂僕為一會談 半月內或一次或二三次不拘日數

避難而就易

中間兩邊設山長監院坐東西間設

長橙分坐諸生或發明數日欲言之理或一容外人會講  
間論古今言之所在不拘不束尤爲得益  
會講日院外農工商賈有願聽講小學者尤爲一朔望謁  
可佳宜引入門但宜靜立階下不可高聲鬧嚷  
先師山長監院率諸生詣至聖前行獻香禮有贊三跪九叩無贊一跪四叩禮畢山長監院行對揖禮諸生北面與山長監院行三搭恭禮禮畢諸生東西分列行對揖禮禮畢山長監院退諸生乃退以上諸條認真遵行上焉者可日進於高明中焉者可歸於篤實下焉者日亦納於範圍譬之物焉蓄於內不爲金玉寶珠之不易有用於外要皆爲布帛菽粟之不可無僕之教人如此而已先生於是以身倡率之以言鼓舞之逐日巡行齋舍指示發明擇期聚會講堂提撕警覺行之期年諸生則志定而氣奮院規大定矣先生乃以老病辭師席仙屏許公

留之甚力先生不得已乃復留取前所定者變通之以書

院規矩整肅必自禁約始則曰嚴門禁門禁之益大矣範人之身即範人之

心外邪不作即內念斯專去歲行之合院清靜嚴肅甚為得法但恐久而視為具文擅自出入一人開端眾人效尤

諸弊由此生矣今日杜非為吸鴉菸者不別為安置則被誘者眾矣院內暗中聚賭則

受害者眾矣外不防其遊娼飲酒招搖撞騙則釀禍以諸損德辱身敗行書院之名壞矣故一切仍宜嚴禁

生學問增益必自經史入則曰讀經史今年不逢鄉試正宜潛心經史講求

實學除課期外照前定讀書除課期外每日早飯後看四書某章法各備課程冊每日登記

看經書某篇史書某條不除課期外每日擊籤必貪多務求實有心得 曰誦經史背誦所讀經史各書

每晨籤傳十五人登堂分坐聽候背誦餘俱照常各在房內讀書願登堂聽講者聽便其籤傳之十五人仍行掣籤

次第背誦或五六人或六七人隨時考問隨便指示 曰講

在坐者均可聽聞師不過勞而於諸生實有裨益

經史

除課期外每日午初按寫字後籤傳十五人各執前日所看四書經史登堂分坐聽候掣籤次第背講或

四五人或六七人或抽講四書或抽講經史或指駁背謬或發明義蘊在坐者均可聽聞亦師不過勞而於諸生實

有裨

益 學不可昧本源而無心得也則曰講小學

小學為大學根本五

日一講今歲專意經史亦於十日內傳齊諸生

曰戒自欺

僕為細講數條各宜敬聽務求身心實有體認

得勿為應卯之舉欺師實以自欺

學貴沈潛不可紛於名利也則曰杜奔競

諸生往來各處應課原屬正業實則有荒工夫且萌趨利之心以後外縣諸生

每月宏道書院官課準應一次堂課俱不準應本縣諸生

每月涇干書院準應初一十五官課兩次堂課亦不準應

總期潛心經史實求心得則終身受用獲益無窮諸生務其遠者大者勿沾沾為目前計也 曰定膏火

住院諸生既嚴杜其弊端又切責其功課循規蹈矩朝絃夕誦苦矣善矣而膏火不分內外按等分給似均而實不均今將院外應課者只給獎賞不給膏火其膏火挨次遞給住院之士非私也 又審書院之利弊

在師弟子睽隔不相接而閱課卷猶其末也則曰減小課  
去歲因有鄉試每月加小課兩次文詩各一今歲加意經  
史應減去小課二次計每月院內官堂課亦作文藝三篇  
應外課者更有加焉不致荒廢文字而專經之學  
可多數日師亦免因衡文無暇稽查經史功課 曰分勞  
苦僕以學力薄淺精神衰憊此席實不敢居堅辭未允到  
館以來立意振作近已漸有端倪精神雖未困倦亦恐  
久而難繼善夫監院怡公之言曰每日功課只令諸生逐  
層做去嚴行考查不必過爲講說徒勞先生反恐諸生厭  
聽王弼廷先生不日來院依前章程每月課講分勞願先  
生節留精神以期長年如此何患諸生無造益也僕嘉其  
言深知此中甘苦不獨爲僕一身計也且勤於始而怠於  
終學者然教者亦然長勿助而心勿忘學如是教亦如是  
僕當節留精神以期久而能行誠爲至要時同治十有三年也先生日坐講堂  
口講手示不自知疲弟子之率愈謹先生之教愈肅如是  
者三年而舊疾時作遂力以老辭還山乃取所定章程參

酌之則曰門禁不可廢士之驕抗必以是始也

每年送館後院長宜

先嚴此禁往往一二狂生不守規矩及歷年住院者久而

生玩故作驕抗此則有犯必懲切勿姑息養奸以致大衆

效尤勢曰煙禁不可廢士之痼弊以此爲極也此弊勢難

難挽回禁之則未吸者紛紛效尤伊於胡底勢必明設菸具白曰

畫開燈兩兩對吸三五聚談而書院規矩從此壞矣曰

誦書講書作小說講小學不可廢廢則士皆趨虛文無實

學矣山長日坐講堂籤傳一人背書則讀書者遍百人矣

小說之宜作也讀經讀史使之實有心得發爲文章

鞭辟近裏也學力淺者本底未清者令作小說不拘不束

暢所欲言則層次可清才思可展詞調可鍊尤爲有益小

學之宜講也聖學門徑實在於此學人立身全在於此予

嚴立規矩而勤講小學先爲杜其邪徑次即引以正途不

必人人聖賢第使人人爲聖賢一路之人此即聖賢之正

教也五日講小學一次在認真講學品者自必虚心聽受

即格格不入者常使耳聞此講目睹此講今日厭之他日

必有追悔而憶之者亦何嘗非大轉機且諸生如果俱遵

味經書院志

教法第五上

七

關中叢書



小學傳家授徒則一源萬派我關中正學接武此後必蒸  
蒸日上矣如不背書不講書不作小說不講小學則諸生  
必不讀書不看書不務實學勤學者日手時文一編咕嗶  
咿唔曾何補於有用之學曾何補於有用之人懶惰者更  
心無紀律靜坐不能求出不得則意外  
事故從此生矣故此數條無一可廢  
曰齋房宜勤察勤  
則師生隔閔之弊除矣  
院長念念在諸生身上必能做出  
教澤事宜若養尊處優高自位置  
則雖學問大如淵海與諸生乎何與官與民且不可以隔  
氣况師生乎每日院長不拘時不限數隨意散步兩廊抽  
查三四號則各號俱肅然矣靜坐講堂一二時則滿院清  
風徐徐萬籟俱寂雖竈下廝養不聞聲矣卽此一日之間  
有一二時已足以振精神而作志氣况諸生之各自奮勉  
乎且師生日近日親背書見面講書見面查房見面告假  
銷假見面五日會講每課發文傳齊諸生一同見面三次  
五次則熟識其人矣十次八次則可知其性情所爲而因  
材施教庶有當矣若累月終年不相見面則主講之名與  
講堂之設果何爲乎先之勞之請益無倦爲政然講學亦  
然  
曰課卷宜早發則諸生之精神易振  
積壓課卷則諸生  
聚精會神成一課

藝有因積久不獲評論而心灰氣餒壯志銷磨者每課連日提振精神先看三分之二傳齊諸生講明題旨與諸生指說大概令其傳觀並擇一二篇錄貼曰竈規宜嚴立講堂以示取法而諸生早不以課牽心矣

則諸生之飲食易調竈供諸生飯食所關非細竈夫宜勤謹服勞勿有錯誤諸生宜加意體恤

勿致虧累役人之力食人之食分文不給而反如分所應爾今年如是明歲復然此豈有廉恥有仁心之所為耶主敬行恕之謂何盡如此輩則竈夫不堪苦累而竈不能立矣竈不能立則百餘人飲食不便而勢難久停矣壞事者一二人而受害者百數十人此輩不盡寒士多曰官課不由情性貪鄙寡廉鮮恥之徒早行驅逐非刻也

互應則諸生之作偽難行宏道味經互應官課舊本應課生前期親往課日點名局試後

因往來奔走曠日誤功並有連日在外混鬧滋事者改爲領題送卷前之往應有曠功夫後之領題更開弊竇一人而報數名領數卷遇有舊文則錄之無舊文則卷歸烏有所以每課領卷者百餘本而交卷者無十之五六往往有本底未清而列前工夫老成而列後者蓋官第就文論文而不知其僞也若裁去互應則無此弊蓋點名時非本人

不給卷卷無冒領名有定數點名後局門終日限時交卷其在院之生有錄舊前列而未查出舊文者但據平日本底未清斷定有假卽呈明山長扣除膏火其餘之查出錄舊者均扣除膏火以爲幫助寒士之資若互應官課不但味經之應宏道者多開名數紛紛舞弊卽宏道本院之生亦因味經舞弊而未便各守規矩不但無益於功課而機謀巧詐不成事體不成心術不成風氣書院之敗終必由此若各歸各院彼此無損彼此有益各以本院之膏火養本院之肄業生安靜讀書認真作課無機心無機事無妄念無妄動不但可以祛官課之弊而並可以除人心之害

曰分勞不可少則師生之情意易通

閱卷背書講書看小說講小學查房查門

一人爲之雖年力壯盛亦勢難周到一有分勞者院長雖不獲安閒而亦不致過勞須知院長全在提振諸生精神整齊書院規矩日日心心在諸生身上操用一番日日身在各號門上行走一番在講堂上靜坐一番則一日之閒院內之氣常清而師皆先生數年閱歷所得行之至今而確生之氣常相貫矣

不可易者也於諸生登第者勉勵之

其詞曰四十年轉瞬過矣上不能親君下

不能親民所幸者得親士耳親士可以輔吾學亦可藉以  
遂吾親君親民之心何則今日之士他日之上而親君下  
而親民者也諸生他日而親君也予將以親君之心付之  
諸生親君之身焉諸生他日而親民也予將以親民之心  
付之諸生親民之身焉他日之作用視乎各人之才識學  
力而作用之基自今日立志始立志莫先於飭廉隅飭廉  
隅莫先於少私累少私累莫先於守儉約勿因一旦得意  
遽爾改換面目舉動言語服食器用迥然異前前月之秀  
才今月之舉人兩月間已劃然作兩截人他日居官時又  
當何如若是者非大器也亦非福器也夫士之求名欲藉  
以有爲耳藉以有爲固爲社稷蒼生造福之人非享福之  
人也今日慎之又慎至得官時私債已不能免况官尚未  
得而假官以爲名者溺已深矣雖誓矢清操烏有累於身  
者尚能清於心耶且功名富貴之念萬不可橫互於胸而  
急急功名富貴之人亦未見有濟於事竊嘗思居官之人  
有三元氣當培爲朝廷培元氣一也爲百姓培元氣二也  
爲子孫培元氣三也子孫之元氣無他培法培朝廷元氣  
培百姓元氣卽所以培子孫元氣也總之作用之基自今  
日立志始自今日飭廉隅始自今日少私累始自今日守  
儉約始諸生其服吾訓耶他日乃可以親君乃可以親民

而吾親士之心於焉盡矣卽吾親君親民之下第者慰撫心亦於焉遂矣吾又何樂乎不親士耶勉勉

之其詞曰諸生勿以下第爲憂也夫得第良可憂或憂親老無以有爲非喜得功名富貴也失第良可憂或憂親老無

以慰或憂年盛不及時有爲非憂其失功名富貴也若夫計得失於功名富貴之間自喜其得正吾之所代爲憂自

憂其失正吾之所代爲喜憂彼喜之之心得焉適貽害於當世喜彼憂之之心失焉反保全乎室家諸生勿謂予言

過激也吾人爲學當先辨明義利兩字義卽利也計利則害隨之矣吾今日第求其可以得功名者非淺淺文辭之

末也根柢乎六經鑒別乎往史而參酌乎時宜務期人爲有用之人學爲有用之學如是焉已耳如是則用固有用

不用亦有用苟有心於世道人心雖鄉里匹夫亦可作頂天立地事業何況學校中人乎彼沾沾於得失者縱係有

用亦必不善其用而仍歸於無用何者其用心固已歧也吾自分可做教官且並教職而有愧若更圖保舉盼甲科

覆鍊之患不旋踵至矣貪虛名而受實禍慕榮顯而被憂辱世之人往往然矣所以然者未得功名則功名之念急

既得功名則仕宦之心熱不但隨波逐流日入下品亦且溺身宦海欲拔不能已歷者悔之無及未歷者羨之若仙

此皆義利之界不明得失之心未淡致使然耳如果安貧樂志則艱難中之骨力必堅盤錯中之識見必定功名仕宦中之得失必淡出則有益於國計民生處則有裨於綱常名教而均之進退自如有益於身家性命夫而後可以喜登第可以憂下第矣夫而後得第必不喜下第必不憂矣諸生皆偉器予不敢不以遠大期之如依常人之見為得者喜失者憂是淺視諸生也予之心不敢出此

留別諸生作要言三 一曰為體

用兼備之學

要先多讀書

二曰作敬義夾持之人

要先堅立志

三曰

立夙夜無忝之身

要先切戒菸

語皆切中時弊而先生遂歸漢

上越五年而得柏子俊先生



教法第五下

史先生之歸也薦長安柏先生自代時牽賑務不能至癸未乃至先生性嚴毅剛正自持好人之善不啻性命疾人之惡亦若仇讐人多畏而愛之自史先生去後院長第評課藝士自爲學法不徒行而廢弛不可問矣先生乃嚴立章程勤督課業曰嚴者非妄自尊大不如是不足以震諸生之心志也勸者非迫苦學人不如是不足以勵諸生之修爲也於是一復史先生之舊而嚴整迅勵過之不啻李臨淮入郭汾陽軍矣於舊規中擇其最易犯者鄭重申明之則首謹朔望禮儀

孔子爲萬世師宗吾人所學何事而顧忘祇敬之誠乎後世蔑視禮教愴



然不知倫紀情誼之不可渝故驕亢之志氣不難施於尊  
長則甚矣拜謁先師之儀不可不謹也今定一遵舊規如  
有衣冠簡褻者拜跪粗率次嚴擅行出入出告反面禮教  
者以不敬論當面申飭甚嚴學者果克  
守此則身有所閑卽心有所惕一  
切縱肆狹邪之習無自而開矣  
三禁吸食鴉片鴉片毒  
我中華最堪痛恨而士人之誤染其毒者遂使志節隳敗  
學業荒廢甚至顛連困苦以終其身亦足悲矣然此禁不  
嚴效尤必衆始而誤己繼且誤人其流毒更有不可勝言  
者今定一遵舊規凡有癮者用藥斷截果能挽蓋自新卽  
爲名教完人當倡議獎勵以爲能知改過  
者勸倘逾三月吸煙如故立即屏出院外  
四禁引誘賭博  
賭博乃無賴子所爲其始不過一二人戲作之其後卽有  
多人樂從之甚且引誘後生曉散夜聚行險傲倖百弊由  
此而生又奚問學業之荒廢也今定一遵  
舊規如有聚賭立即當堂重責屏出院外  
五禁競爭滋事  
君子與君子無爭相讓故也君子與小人無爭能容故也  
兩相爭者其爲人概可知矣夫倫紀恃朋友以善全功業  
賴朋友以夾輔古人離羣索居每深感嘆幸此一堂講學  
朝夕權聚而可因悻悻微隙反操同室之戈乎今定一遵

舊規務各以善相摩以敬相接卽有不合情理之事準其  
向監院齋長處面陳一切或請代爲呈明當卽酌情準理  
平厥曲直如有任性喧嚷恃氣忿爭無論有理無理均先  
責以不守學規然後徐問其是非又或暗出匿名揭帖橫  
肆誣謗尤屬陰險小人顯干例禁一六禁羣飲縱談書院  
經查出或被入告發立請學憲褫革  
最宜靜肅酒足亂性純心用功人本所當戒况呼朋縱飲  
更屬毫無忌憚乎爲學以敬慎而入高聲談笑心先放矣  
學何由固耶又或因醉酒而滋鬧或因劇談而啓事若非  
杜漸防微勢必紛紛效尤成何體統今定一遵舊規偶有  
小酌原所不禁若羣飲肆譁卽爲不守七禁閒遊街市吾輩  
規矩先飭跪堂重責不悛者屏出院外  
一舉一動悉關風化在我旣潰厥閑檢在人卽滋爲口實  
稍知自愛豈宜出此諸生中如有不恤人言不畏物議瞻  
敢閒遊街市八禁占鎖空房院內號舍無多一人住一房  
當堂重責既不能容故多有兩人同住  
一房者未免偪仄然尚有房可住則亦可勿論矣若乃負  
笈遠來置足無地使不爲之代籌住址殊非體恤多士之  
誼聞向來應課諸生有虛鎖一房兼鎖一房閑鎖一房之  
弊在己頗覺甚便在人殊爲不情揆厥怨道能無歉然今

定先將現在住院諸生姓名年貌籍貫造冊呈核會同監院齋長沿號挨查倘有如前占鎖者立將房門開訖別令無房者居之其內存物件繕單寄存公所俟該生來院照給使諸生知有規矩準繩可

循則身心有所範而後可言學又國朝以制藝取士不能不恪遵功令然果能於性命之微倫常之大中外盛衰之迹古今治亂之原探討體會實有心得卽未能行義達道而出緒餘發爲文章不難高樹一幟何至湮沒潦倒於人比入韻之中而弗能自拔耶近馮中丞志學齋章程雖專爲時文亦必講求根柢所刊冊式洵足法也今略舉數條

一讀四書四書羣經之心法也而大中章句論孟集註朱子生平精力悉萃於此剖析疑似辨別毫釐學者尤當於大義微言求其根本今定日熟讀精思沈潛涵詠又宜兼讀近思錄北溪字義性理精義及各家語錄

參互研究則必於身心一讀經書十三經與四書相發明

性命之理豁然有得矣近日學者類於經義鮮

所發明甚或讀得一經半經即汲汲從事帖括日以剽襲

詞調爲工無怪其空疎淺薄而無當也今定於五經先擇

一經專力治之俟此經大義既明然後遞及他經如是則

於四書道理益能貫通融析即所作四書文亦必能鎔經

義而自鑄偉詞而一讀通鑑宋司馬公輯資治通鑑閱十

家絕筆朱子通鑑綱目筆削義例一倣春秋皆不可不讀

者也讀法漢以上宜參看史記前後漢書漢以下宜參看

歷代正史則凡古今治亂得失靡不瞭然周悉洵足拓識

見而廣議論試觀漢唐以來多少詩人文士爲藝苑所尊

奉迨稽之史冊或寂寞而無稱或卑靡而多玷而惟修道

真儒立功賢輔始足震耀千秋亦可恍然於學先尚志果

在此不一讀古文古人以淵粹之學宏遠之才超曠之識

在彼也清毅之氣著爲文章各成一家言故至

今與日月並光也三傳國策國語史漢莊騷以逮唐宋八

家何一不當讀乎學舉業者寢饋於此其爲文必進於古

而不俗矣然初學力或不逮則宜先讀人家文識其途徑

軌轍之所在然後漸而達焉以溯其源而探其本程畏齋

味經書院志

教法第五下

三 關中叢書

先生曰學天下第一等學作天下第一等文在我而已矣  
讀法當先看主意以識一篇綱領次看其敘次抑揚往復  
運意運筆轉換承接於大段中看篇法於小段中看章法  
於章法中看句法於句法中看字法則作者之心皆與我  
會今日讀文能如此讀他日作文自能如此作矣  
一讀時文既作時文不可不讀  
時文然一切坊間卑靡之編與關中腐濫之作則斷不可讀即前明簡古奇峭  
之文不善學之則易失於枯槁晦澁亦不可讀國朝名大  
家文以韓歐之筆闡程朱之理粹然道德之華蔚然經籍  
之色博大雅傑允稱極則當精選百餘篇讀之明文則取其  
說理精而思力深透用法備而機局渾成足以疏濬我  
性靈增長我筆力者精選二三十篇讀之簡練以爲揣摩  
當必有所心得然後取墨卷之清真雅正警湛雄奇者精  
選四五十篇讀之以求合於其式焉前輩所云從墨卷出  
不從墨卷入者如是而已再讀時文尤必先攻小題而細  
探其運意之妙用法之精脈理之析融神氣之宛合則雖  
千變萬化無窘我之題而一切陳言泛語無由擾其筆端矣  
先生曰宋熙寧間以經義取士至明著爲功令我朝沿而未改迄今蓋七百餘年矣

名儒名臣多出其中代有偉人指不勝屈彼何以不淪胥  
於科目我何以竟汨沒於詞章諸生必有憬然悟崛然興  
者先生負經濟才規模宏敞其教諸生也循循於下學矢  
之以誠心達之以果力率教者獎進之敗類者嚴懲之不  
期年而士習丕變遠方奇特之士先生又羅致之三原胡  
觀察礪廉悲海疆多故欲以實學造士聞先生教自出千  
金以助膏火先生乃爲啓曰人才之盛衰關乎學術正學  
修己治人敦行不懈而馳騫名利者廢之實學通今博古  
討論必精而剽竊詞章者隳之風氣所趨江河日下此豈  
盡學者之失乎目不睹有用之書耳不聞有道之訓何怪

沈溺而不返也而吾陝適承其敝僕等久昧旨歸時過後  
學自惜之餘未嘗不兼爲諸同人惜焉竊謂學有本原須  
辨於始而大其規模吾陝兵燹後書多散佚宜特創一書  
局凡有關正學實學各籍擇要刊刻以資學者之觀覽則  
既有以拓其才識矣又集二三友人講明而提倡之落落  
然一空標榜拘墟之習而務以聖賢道德豪傑功名相與  
糾繩相與淬厲爲關輔力挽衰頽積日累月漸漬優游河  
嶽有靈未必不可稍回風氣然書局之舉非大有力者不  
能而講明提倡則凡有志者與有責焉僕等不揣鄙陋議  
加月課名爲求友蓋取析疑賞奇樂多賢友之意其課以

經學史學道學政學爲主而天文地輿算法掌故各學附之至文章詩賦則書院舊課所有茲不復及區區之私非敢謂能友天下士也所願諸同人不遐棄而惠教焉則僕等亦甚樂共殫尙友之志永敦會友之風以期盡正學實學之義吾陝幸甚吾黨幸甚於是經史道德經濟天文地理掌故算法之學略有端倪嚮學之士爭趨味經先生樂爲講解昕夕忘疲遠近無不樂得先生者而先生遂移講關中矣

論曰教無所異也人殊而教異時殊而教異風氣習尙殊而教異故循良之政令因地制宜君相之設施與時爲適



二先生寬嚴異用威惠殊施要亦優游以養其心鼓舞以  
作其氣使各勵所學以成其材而已是以游味經者至今  
稱道二先生不置也

諸生題名

余爲味經志附科第題名於教法後然則師所教士所學  
果惟是科第爲哉選舉廢科目興東身庠序非是莫由爲  
世用不志科目是書院教養與世無與也然科目中人果  
能自見於世與否又視其平日所蘊蓄嗚呼人不負科第  
科第亦增色矣光緒十九年癸巳仲春咸陽劉光黃識

進士

同治甲戌科

陳才芳

寧羌人翰林甘肅涼州知府

光緒丙子恩科

吳樹德 城固人 甘肅知縣

光緒癸未科

王慎猷 涇陽人 江西知縣

光緒丙戌科

雷天柱 醴泉人 吏部主事 周爰諷 蒲城人 翰林 侯葆文 郃陽人 吏部主事

光緒己丑科

程仲昭 韓城人 知縣 趙銳 城固人 西知縣 馮慎源 大荔人 川知縣

光緒庚寅恩科

趙介 同官人 河南知縣 吉同鈞 韓城人 刑部主事 武瀛 富平人 刑部主事 蘇繩武

長安人 河南知縣 李舒馨 咸陽人 山東知縣

光緒壬辰科

高增爵

米脂人內閣中書

張維城

三原人江西知縣

光緒甲午恩科

李樹森

涇陽人甘肅知縣

容益光

寶雞人內閣中書

舉人

同治癸酉科

陳才芳

寧化人

王鎮化

吳樹德城固人

蕭承露

郿陽人

高汝翼

興平人

光緒乙亥恩科

張翰章

涇陽人

馬捷登

郿陽人

吳克敬

三原人

于鄜

寧州人

光緒丙子科

味經書院志

教法第五下

七

關中叢書

許定奎城固曹季鳳渭南鄭子元南鄭黃玉堂白河張維城三原茹古

三原王長三原

光緒己卯科

趙介同官王慎猷涇陽程仲昭韓城周斯億涇陽雷天柱醴泉龐佐化

岐董濤長安劉健行醴泉李資莖渭南

光緒壬午科

馬啓瑞醴泉蘇繩武長安周爰諏蒲城吉同鈞韓城張福澤涇陽李澍

森涇陽李昉齡三原李晏春渭南常秉敬高陵

光緒乙酉科

程學孔咸陽趙銳城固武瀛富平劉三鎰涇陽侯葆文郿陽李宗膺城固

郝銘隆清澗趙璽興平

光緒戊子科

党高第郃陽蕭鍾秀郃陽胡亶沔縣劉瑞駒咸陽李舒馨咸陽張殿華

郃州張應辰臨潼魏日成涇陽馮慎源大荔楊蕙涇陽謝庭芝金縣

光緒己丑恩科

陳濤原三原丁兆松澄城王賡泰郃陽崔志遠鄂縣趙先甲高陵何恆德

長安

光緒辛卯科

李楨郃陽王壽岳長安高增爵米脂常懋德富平張彪蒲城薛善述蒲城

王壽祺長安張之燮富平王繩武寶雞佶樹森朝邑周斯依涇陽邢廷

味經書院志

教法第五下

八

關中叢書

英醴

光緒癸巳恩科

張翰雲涇陽王文鑑保安高維嶽咸陽甯述俞潼關馬育麟綏德賀錫

齡米脂容益寶雞姬慎思澄城

光緒甲午科

張瑚樹清澗郭毓璋華州胡均三原劉錫純興平成安正藍旗曹欽生

澄城李泰大荔郭鑄蒲城陳廷賢富平孫瑞雲蒲城史允端固城劉映黎

長安高鴻漸韓城鄭書同鳳翔宋應相長安

拔貢

同治癸酉科

費灼涇陽董滋西鄉趙介同官鄭子元南鄭高汝翼興平陳才芳甯

光緒乙酉科

張秉均扶風李南蔭洛川張殿華邠州崔志遠鄠縣牟瑾鳳翔劉清垣

涇陽張翼辰臨潼唐彝藩三水胡亶沔縣郝隆銘清澗王殿選南鄭常懋

德富平

副貢

同治癸酉科

席寶月涇陽唐應清合水

光緒己卯科

何謙乾州趙璽興平楊蕙涇陽

味經書院志 教法第五下



光緒戊子科

賀象賢

渭南

光緒辛卯科

史允端

城固

光緒癸巳恩科

汪瀚

長安

光緒甲午科

周新命

商州

趙毅

同州

趙光明

安康

優貢

同治癸酉科

吳光顯

西鄉

光緒辛卯科

容益光

寶雞



刊書第六

光緒十七年歲在辛卯秋八月陝西提督學政武昌柯創立刊書處於味經書院之東以院長總其事以監院爲局董事司財用出入及一切刊刷之事以肄業生任校讐其刊書以十三經廿四史爲主旁及通鑑通典通志通考一切子集掌故有用之書其貲則公出千金以倡之得自涇陽者五千金得自三原者一千金得自各縣者若干金柯公又捐廉千以益之臨潼同知銜傅萬積承父志刻十一經讀本咸寧孀婦趙劉氏承夫志欲刊書籍咸輸資附之其財用出入則主之紳士歲用其子留其母不足則各院

司又歲撥五百金以助之其會計則歲終上於學院他衙門不與聞其日行事學院亦不與聞也其司事之人則公舉三十人上其名於學院歲更一人三十年則遍有缺則舉之此書局之規制也始柏先生主講味經知士之多病空疏也立求友齋課以振發之士知嚮學矣而苦無書則集貲以刻之移主關中則舉所藏版刻印行之又商於上憲轉運他省書籍以實之然無源之水易竭其流有限之薪莫增其燄於是求友齋僅刻詩義折中春秋大事表易經讀本詩經讀本梅氏籌算平三角舉要養正遺規教女遺規訓俗遺規豳風廣義糜金錢不及兩千書經讀本九

章翼工猶未竣而貲不繼矣是時武昌柯公蒞關中其造士也合漢宋而一之朱子小學必兼訓詁心性之說必實之以經史尤加意於書院擇陝西英俊者數十人養之月有課日有記公親評閱覺陝士非使之沈潛於經史之中不能救其弊而刊書之意決矣往復商酌於省中院司殷勤條告於各屬州縣經營二年有餘始克有成公乃議之曰刊書爲陝省千百年未有之舉千百士取益之資所關甚鉅故首擇人得人而理各任其勤故專責成次之校讐之善爲有益於古書校讐之精實足覘士所學故嚴校讐次之鐫刻之初經史爲急鐫刻之勢積漸始成故限鐫刻

次之鳩工居肆良莠不齊漫無紀綱弊生內潰故立條規  
次之雕成善本藏宜名山日積月增閣架林簇故建房屋  
次之嘉惠士林勢成紙貴揭而書價無致居奇故便售賣  
次之一切事務不鈐束以官法則勢渙而不聚盡用官法  
又恐分隔而弊生故慎報銷次之用人不可不養故議薪  
水次之仗義輸貲名不可沒籌之維艱守之不敢或易也  
故以籌經費終焉規模粗定而公亦將報政入都矣版印  
書籍盛行於宋其事多領於書院所謂院本也中興以來  
各直省多設書局然領於官吏不領於師儒則存書籍之  
意多而教士子之意少陝獨後起制乃合於古則獨後者

安知不獨久也昔阮文達設詁經精舍於浙浙之古學大興他日陝士輩出此舉殆爲之兆矣

論曰古者工聚於官周禮可考也至後世則財用主以官吏必侵蝕器用主以官吏必窳敗運會降與何古道不可復也今刊書不任吏任士意固在造士然其慮深遠矣任其事者烏敢不兢兢致負柯公也





藏書

目錄之學始於劉子政父子班掾取以爲史部分類居學術之源流具焉其後史家因之隋經籍志略與漢藝文志並而私家著述晁公武陳振孫馬貴與焦竑之徒各取其意以爲書至我朝四庫全書提要出乃大備矣近人選著南皮張香濤制軍所著書目答問極詳核味經藏書卷帙無多諸家學術亦未備誠不可以劉氏譜錄之法行之也然卷數不可無示於後略分經史子集註頒發姓氏於下庶免遺缺亦以見書院創始其藏書亦零星湊積非衆君子尙不能得此數也

提督學院許頒發四千零九十卷

巡撫部院邵頒發四百四十卷

提督學院吳頒發七十五卷

巡撫部院譚頒發一千九百二十卷

總督部堂左頒發五十卷

按察司黃

督糧道曾同發六千零三十七卷

涇陽縣正堂易頒發四百三十九卷

涇陽縣正堂涂頒發一千二百一十四卷

書院自置七百五十八卷

提督學院柯除前後各憲所頒書院自置外餘皆學使所發以上各書細目另行

... 卷之五 目錄 ...  
... 卷之六 目錄 ...  
... 卷之七 目錄 ...  
... 卷之八 目錄 ...  
... 卷之九 目錄 ...  
... 卷之十 目錄 ...  
... 卷之十一 目錄 ...  
... 卷之十二 目錄 ...  
... 卷之十三 目錄 ...  
... 卷之十四 目錄 ...  
... 卷之十五 目錄 ...  
... 卷之十六 目錄 ...  
... 卷之十七 目錄 ...  
... 卷之十八 目錄 ...  
... 卷之十九 目錄 ...  
... 卷之二十 目錄 ...  
... 卷之二十一 目錄 ...  
... 卷之二十二 目錄 ...  
... 卷之二十三 目錄 ...  
... 卷之二十四 目錄 ...  
... 卷之二十五 目錄 ...  
... 卷之二十六 目錄 ...  
... 卷之二十七 目錄 ...  
... 卷之二十八 目錄 ...  
... 卷之二十九 目錄 ...  
... 卷之三十 目錄 ...  
... 卷之三十一 目錄 ...  
... 卷之三十二 目錄 ...  
... 卷之三十三 目錄 ...  
... 卷之三十四 目錄 ...  
... 卷之三十五 目錄 ...  
... 卷之三十六 目錄 ...  
... 卷之三十七 目錄 ...  
... 卷之三十八 目錄 ...  
... 卷之三十九 目錄 ...  
... 卷之四十 目錄 ...  
... 卷之四十一 目錄 ...  
... 卷之四十二 目錄 ...  
... 卷之四十三 目錄 ...  
... 卷之四十四 目錄 ...  
... 卷之四十五 目錄 ...  
... 卷之四十六 目錄 ...  
... 卷之四十七 目錄 ...  
... 卷之四十八 目錄 ...  
... 卷之四十九 目錄 ...  
... 卷之五十 目錄 ...  
... 卷之五十一 目錄 ...  
... 卷之五十二 目錄 ...  
... 卷之五十三 目錄 ...  
... 卷之五十四 目錄 ...  
... 卷之五十五 目錄 ...  
... 卷之五十六 目錄 ...  
... 卷之五十七 目錄 ...  
... 卷之五十八 目錄 ...  
... 卷之五十九 目錄 ...  
... 卷之六十 目錄 ...  
... 卷之六十一 目錄 ...  
... 卷之六十二 目錄 ...  
... 卷之六十三 目錄 ...  
... 卷之六十四 目錄 ...  
... 卷之六十五 目錄 ...  
... 卷之六十六 目錄 ...  
... 卷之六十七 目錄 ...  
... 卷之六十八 目錄 ...  
... 卷之六十九 目錄 ...  
... 卷之七十 目錄 ...  
... 卷之七十一 目錄 ...  
... 卷之七十二 目錄 ...  
... 卷之七十三 目錄 ...  
... 卷之七十四 目錄 ...  
... 卷之七十五 目錄 ...  
... 卷之七十六 目錄 ...  
... 卷之七十七 目錄 ...  
... 卷之七十八 目錄 ...  
... 卷之七十九 目錄 ...  
... 卷之八十 目錄 ...  
... 卷之八十一 目錄 ...  
... 卷之八十二 目錄 ...  
... 卷之八十三 目錄 ...  
... 卷之八十四 目錄 ...  
... 卷之八十五 目錄 ...  
... 卷之八十六 目錄 ...  
... 卷之八十七 目錄 ...  
... 卷之八十八 目錄 ...  
... 卷之八十九 目錄 ...  
... 卷之九十 目錄 ...  
... 卷之九十一 目錄 ...  
... 卷之九十二 目錄 ...  
... 卷之九十三 目錄 ...  
... 卷之九十四 目錄 ...  
... 卷之九十五 目錄 ...  
... 卷之九十六 目錄 ...  
... 卷之九十七 目錄 ...  
... 卷之九十八 目錄 ...  
... 卷之九十九 目錄 ...  
... 卷之第一百 目錄 ...

... 目錄 ...

延師第七

師道立則善人多誠哉是言出處之不苟進退之合道則風聲遠樹焉而士爭自濯磨矣雖有頑懦亦將與立然則味經士習略有可觀仙屏許公扶植師道之力也許公曰教士之實莫如書院院長得人而謂不能挽回風氣振興人材者未之有也近日書院之弊由長院爲紳士退休之資其延師也或論名位或徇情分官場以爲一歲之應酬紳士以爲一家之取給評點甲乙苟簡從事而於學問人品概未之及不得謂之教於是未立書院先爲擇師遍搜陝西得漢上史先生夢軒三請乃出出數月卽求歸許公

方按試隴右以書留之曰振緯以菲才涼德不自揣量謬以陶淑士類爲學臣之責議建味經書院豈知居今日而言教化固已爲時賢所深鄙矣當時毅然相助獨一姚廣文辭官歸里以此爲務而同州賢守從而和之故同州稍有藉手然輸費無多阻者百喙甚有不捐一貲而造謠謂逼出人命者弟頗疑關中風氣之薄以此自悔至不爲懷厥後深仗怡養源司馬憫其迂愚謂尙不謬慨然振臂一呼不避勞怨而衆正合謀孤陽復振所舉亦遂有成弟始知關中大有人在今二君與弼翁董任監院殊爲直省不易得之員而請我公爲師實爲今世所僅見之師四賢同

志弟可以對關隴人士矣雖萬古訾訕亦所不計閣下視弟此舉其用心苦耶否耶前聞大駕不來不知所以爲計故仍專雷生叩請今聞主講之日僅示數月之留弟頗自慚行義有虧或陽爲向善內實回邪以至見棄於君子夫尋常毀譽付之一笑若見棄於閣下有道之前而令人謂振禕雖詭譎終不能仰攀執事作六年之留則振禕何顏面對兩省承學之士又何顏面對中朝搢紳之列哉此生眞僞請以先生去就決之然竊料先生亦必有不能翹然者何也吾儕立志首在於世有濟先師曾文正公有云吾屬當引進同志日底於善以爲國家有用之才此在大臣



爲以人事君在師友爲以忠報國卽君子莫大乎與人爲善之義閣下望實交孚有識共仰在平利漢南已成就人才不乏奈何私其官守私其井里而令兩省待澤之人不得久承教思鄙所未喻一也又弟倡爲此舉亦實具苦心姚王二公鑒之怡君助之事如不成千載話柄以後學政引以爲戒孰敢任事夫三君不過憐弟苦衷特出相助今閣下爲弟師事於同譜中又老兄也不論知心亦有私誼愬然不屑何以處弟其不可去二也卽謂清恙未平去鄉稍遠然接眷葆和悉如尊意至諸多自謙欲鄙人別延賢哲然弟意中殊無他人以經營之苦若此二君之苦心又

如此若如尋常延師一切均如積弊則弟不維愧諸出力之家且無辭以對姚怡諸公士之知己貴相知心苦衷苦言幸乞諦聽其不可去三也總是數端敬乞六年無再推辭至禱至叩弟身在隴右心在書院終日無暇勞頓成病此行似與大局有益不敢告勞不求人知吾盡吾心而已俟七月抵涇再爲面敘以竟積忱先生得書竟無辭以去積五年舊疾復劇乃薦長安柏先生子俊自代將行與子俊書曰今歲再出早擬薦賢自代庶可脫卸仔肩秋間病復日劇急欲交代以賦言旋再四商之監院寇允翁前監院怡養翁並闔院諸生公論均以先生賢聲素著遠邇傳

聞弟亦久在心折之中前又得遂瞻韓之願洵足矜式多  
士爲吾陝扶持名教弟已向陳學使面爲推薦本擬同寇  
允臣來省爲兄面敘一切因病久日衰急以將就回家爲  
宜用修蕪函布臆此舉有關全陝文教大局吾兄光明磊  
落擔當世道關書若到諒兄必爲伊尹之任必不爲伯夷  
之隘也又曰書院舊規似覺繁重其實行之至簡至易棄  
之則與他書院無異有負許仙翁創設初心又曰惟衡文  
最勞心血且衡文時諸事俱廢不能兼顧總宜騰挪精神  
休養此身好爲一切之用又曰今年與寇允翁相處半載  
談心論學深得教益閣院諸生亦莫不貼然心服監院之

有允翁已大慶得人再有吾兄主此講席相得益彰相助  
爲理此天爲味經植千百年不拔之基也弟不勝慶幸之  
至先生遂歸柏先生以振局羈絆不能至越五年壬午學  
政樊公介軒造其廬乃至至三年乙酉先生力辭去學院  
慕公子荷固留不得去越一年丁亥大府請先生主關中  
以咸陽劉光蕢承其乏今五年

論曰草茅蓬華學使屈節焉不識者榮之然非市重也學  
使之禮卑而儀備斯士子之識定而志勤識定則不惑於  
非志勤則能奮於學此善人多之本也余承柏先生後二  
年潛伏於鄉柯公搜及之故謹懷至今柯公固堪繼美許



院長題名

官署類有題名院長師也非官也然政教相因選士蒞民今日青鞋布襪士皆宰官身也資其脩脯而訓課不勤立法無黜陟問心無鬼神乎題名於茲華袞斧鉞付諸後之人亦烏能禁後之人哉嗚呼懼矣光緒十九年癸巳仲春

咸陽劉光蕢誌

史兆熊

字夢軒城固人道光甲午舉人候銓同知平利訓導教士有法書院章程多其手訂沒祀書院

趙宜煊

字少洲貴州貴筑人道光己酉拔貢歷任醴泉咸陽乾州有惠政

李 垚

字玉墀湖南沅陵人同治癸酉舉人光緒丙戌進士即用知縣分發雲南

安維峻

字曉峯甘肅秦安人光緒乙亥舉人庚辰翰林掌廣東道巡視中城御史

柏景偉 字子俊長安人乙卯舉人同知銜分省試用知縣

定邊訓導教士嚴正規矩肅然更定書院章程至

今遵行沒祀書院

劉光蕡 字煥唐咸陽人乙亥舉人國子監學正銜

光緒二十六年五月

光緒二十六年五月

光緒二十六年五月

光緒二十六年五月

光緒二十六年五月

光緒二十六年五月

劉景賢

序例第八

味經之置其猶器乎於地則安於用亦利然而樸斲不完  
丹漆不備故未有記未有志也君子曰是有所爲也前之  
人惟日不足後之人居德則忌不然寇君允臣則請知興  
平縣事伏羌王權爲之記矣其詞曰六經義如山海入者  
淺深雖殊要各有採獲獲者多寡不同要皆以致用體之  
身爲道德施之物爲經濟筆之書爲文章以七十子之賢  
得聖人爲歸不過曰身通六藝而已學可求之經外哉漢  
世以經造士士專以經爲學後代治經不免騁虛炫異源  
遠流分至宋大儒出而學術一歸純正然原其初孰非因



漢學之經術化而裁之歟我朝列聖重光尊經闡道欽定彙纂諸書折羣儒之大中一學者之視聽頒諸學宮令州縣各立書院延名師爲之講授蓋於經訓尤兢兢也沿習旣久徇末遺本學官旣鮮能強教書院所講亦不外制義之得失科場之利鈍經籍雖具幾視若弁髦卽號稱通經者亦多剽剝字句誦言而忘味許仙屏太史督學來關中旣試士列郡慮學術之無本而人才之日漓也以爲培土莫如敦經敦經莫如祛弊非別創講院肇立條章則弊卒不得而祛於是捐廉勸輸鳩貲并力創立味經書院於涇陽締構宏整重門有閤規制隆崇凡十閱月而工作畢用

銀一萬六千五百兩有奇然工甫歲而財殫修脯膏火之費所需尙鉅吳清卿學使繼之籌款三千餘兩又商之譚中丞移撥公費銀萬兩發商取息三賢同心踵事增廓所以惠士興學轉移風氣者大且遠也今學使樊公旣莅任勸課振興績效益焯於是歲工已八年矣公命監院寇君徵文刻石追紀興作寇君謬以推權辭至再三寇君之請益勤則推太史仙屏命名之本意以告在院研經之士曰人莫不嗜味也充嗜味之情窮珍極錯或反至於戕生性菽粟芻豢可以和人臟腑強人筋骨然使嘗焉而輒止一飽而不繼則亦終不獲頤養之益六經者士子之菽粟芻

豢也士苟窮探宿飽饜飫久而精力生將以仁義忠信爲  
臟腑才智經綸爲筋骨豈直吮嗽芳潤乎哉然則闕隴之  
士自時厥後交勉爲通經致用以無負諸公作新之德意  
者當非巍科高爵之謂也已時光緒六年三月也越二年  
壬午寇君又自爲志又二年甲申始克成之其目曰書院  
條規曰奏札書記曰藏書曰楹聯曰經費緣由曰考課章  
程曰支用各款曰地址原委曰房舍數目曰器具記略都  
爲三卷而序之曰經學明而士習正師道立而善人多是  
必得大君子倡興於前扶持於後奔走佐理於下斯講席  
有資學優德尊之儒自能宏其教養深其漸磨培河嶽鍾

毓之靈儲國家楨榦之選如陝甘味經書院其創建始末有非運會輻湊不能者其人傑地乃得以効其靈也同治壬申奉新仙屏許公督學陝右慨經學之不明思有以振之擬建味經書院而未得其地迺訪怡養源司馬於涇陽而邑紳吳少猷捐城隅地十畝始於癸酉春興工選姚至夫王弼臣二廣文及怡司馬董其事卽延史夢軒先生爲院師而假瀛洲書院開課以樹其先聲又札飭各屬籌捐萬餘金自講堂門序廳事內室以至生徒之舍庖廩之次共一百七十餘間不期年而締構有成並多備經史子集器用之屬而終年修脯膏火所需甚鉅時許公任滿去姚

廣文歸養王廣文還山書院財殫怡司馬獨力支持負債  
纍纍而清卿吳公繼督學每試竣輒單騎訪院長與諸生  
講學見史公督課勤怡公任事勇覺味經學規爲直省所  
罕見旣入奏遂以持久爲己任商於譚文卿中丞撥款籌  
捐發商生息而書院經久度支乃得源源而不竭夫非常  
之舉必待其人有志興學而權不屬則貲不易集權屬矣  
而我創其始不必我觀其成規模雖具缺略實多遷代有  
期來者不必志同意合而樂繼其功且諸凡草創所任或  
未得人教養無方膏火虛糜庀材鳩工或多浮冒以及經  
費支絀因而中止來者雖欲補苴荒廢已久前功盡棄目

睹其弊方咎開端之未慎何能從容以爲謀也然則味經  
書院之興非許公振興之勇不能平地置簣創前此之所  
未有非吳公養士之仁不能多方籌畫理前任之所未成  
非史公學品之優怡公支持之力不能待吳公之來而發  
其心以竟許公之緒故吾謂運會輻湊者以此綜其前後  
亦得失之林也院事大定丙子秋怡公力辭監院任清卿  
學使留不得乃以屬信任事之後欲建先聖享祀之祠擴  
諸生藏修之地適值荒旱未能舉行荏苒六年偶思味經  
在今日則嶽峙淵渟而創修諸人則風流雲散若不及時  
綜記原委經始之實日久俱湮守府者烏能辭咎爰搜輯

見聞彙爲味經書院志稿分爲三冊俾蒙庇蔭資其廩給者知創建非易深體拮据成就之意通經味道循名責實不以浮華徼利達爲盡學人之職庶不負味經之名而諸賢苦心亦有以自慰也越五年柯公釐飭書院制之缺者補之弊者更之書院氣象更新得寇君所擬志稿曰是隨時集存略無義例書院垂久不可無志以示後命蕘刪削而排比之經始於光緒十六年冬月告成于十七年秋月至二十一年中秋又取閱之遂以授梓乃爲之序曰志書之例始于山經水注綜六合而志之體大物博山川原委古迹遺聞具焉書院無是也降至一都一邑封疆分合政令

因革人材物產教化風俗猶可以史家志傳之法行之而不可施於書院書院之始或爲前賢讀書之迹碩儒講學之處翰墨流傳事迹相映其盛衰聚散之故猶足動人慨慕增文章之色味經又無是其興也閱時不足二十年地方不及四千步圖表志傳之法無所施考核蒐訪之勤無所用則亦紀其事之始末存其法制已耳不可以志言也然治天下政教並重國家之教主以學官而統於學政學政固以教爲政也學政三年僕僕道路校閱爲勞何暇爲教惟聚直省之士於書院其性情學問不難周知而可以時施其教誨仙屏許公所謂教士之實莫如書院者此也



然則志書院志學政之政也以教爲政則政之本也其事  
顧不重與條爲八目斷爲九篇竊取史法爲詳其例曰  
前無所始後無所因學臣勸學惠我秦民奏章報可蹈詠  
皇仁述經始第一

自古圖經山川城郭環畝爲居孰詳孰略大桷細采用新  
考落述營建第二

孔焉用稼孟闢並耕糧絕士病利溢商橫羨補不足適劑  
其平述籌養第三

綱紀不新觀聽不燦襲故蹈常積久生玩法嚴始基道藉  
終岸述規制第四

勤修其業嚴束其躬循規守矩默會其通教思有味其味無窮述教法上下第五

講肆書林益彰相得士司校讐宋元遺則卷富東南珠還西北述刊書第六

胡觀不感胡感不興禮門義路步規趨繩師儒有禮士庶蒸蒸述延師第七

物之成虧必從其朔敬志味經事詳語樸何革何因用供采擢述序例第八

都若干言味經之始跡備矣夫千古無不弊之法恃有不弊之人師非人則非教監院非人則非養而師與監院何

以得人則必有任其責者矣故學臣之精神所不貫卽教  
養之成法所由隳師與監院猶其次者嗚呼許公奏章固  
宜時時三復哉光緒辛卯秋七月咸陽劉光蕢撰

學憲題名

許振禕 字仙屏江西奉新人同治癸亥翰林壬申任創立書院力振文教士尸祝之今任河道總督

吳大澂 字清卿江蘇吳縣人同治戊辰翰林同治甲戌任始籌膏火萬金教士有法威惠兼施士尸祝之今

任湖南巡撫欽差幫辦大臣

陳翼 字芑亭福建閩縣人同治癸亥翰林光緒丁丑任

樊恭煦 字介軒浙江仁和人同治辛未翰林光緒庚辰任今任翰林院侍講

慕榮幹 字子荷山東蓬萊人同治戊辰翰林光緒癸未任

林啓 字迪臣福建侯官人光緒丙子翰林丙戌任今任浙江衢州知府

柯逢時 字遜菴湖北武昌人光緒癸未翰林己丑任歲籌六百金養士後設刊書處集貲萬餘金藩庫又撥

五百金刊刻經史院外建東西兩坊院內修藏書樓清白池通儒臺提倡實學士氣勃興去後士尸祝之

黎榮翰

字璧侯廣東順德人光緒丙子翰林壬辰任

趙維熙

字芝珊江西南豐人光緒庚寅翰林乙未任

味經書院志終

跋

右味經書院志乃古愚先生主講時取寇氏志稿刪削排  
比以成之者也目凡八類析爲九篇圖與各題名附焉紀  
載翔實而學使許公經營締造吳公柯公繼續維持以及  
史柏兩院長先後講授之法無一不備載於此洵近世造  
士者之模楷也先生抱經世學著有煙霞草堂文集十卷  
切中時弊足式浮靡故其課士力求根柢期爲通材尤與  
史柏兩院長志同道合始終不渝今距先生主講垂四十  
年而僂指秦中杞梓榷楠皆當日書院負笈之士然則是  
編也蓋又鹿洞學規少墟士戒之類其所甄陶造就者大

矣豈獨不負諸學使創制盛心而已哉烏虜是可傳已民  
國二十五年八月校  
史林兩朝是志同並合故雖不備長安宋聯奎書垂四十  
時中朝禮又左平魏姑其魏士次蒲城王陳健並林大興  
士皆之難計也夫主時聖世學音南鄭林朝元文集十卷  
史林兩朝是志同並合故雖不備長安宋聯奎書垂四十  
時中朝禮又左平魏姑其魏士次蒲城王陳健並林大興  
士皆之難計也夫主時聖世學音南鄭林朝元文集十卷  
史林兩朝是志同並合故雖不備長安宋聯奎書垂四十  
時中朝禮又左平魏姑其魏士次蒲城王陳健並林大興  
士皆之難計也夫主時聖世學音南鄭林朝元文集十卷  
史林兩朝是志同並合故雖不備長安宋聯奎書垂四十  
時中朝禮又左平魏姑其魏士次蒲城王陳健並林大興  
士皆之難計也夫主時聖世學音南鄭林朝元文集十卷  
史林兩朝是志同並合故雖不備長安宋聯奎書垂四十  
時中朝禮又左平魏姑其魏士次蒲城王陳健並林大興  
士皆之難計也夫主時聖世學音南鄭林朝元文集十卷